

華嚴經普賢行願品疏鈔擷

提要

華嚴經十萬偈，晉譯三萬六千偈，都六十卷；唐譯四萬五千偈，都八十卷。唐貞元間，入不思議解脫境界，普賢行願品全本梵文至，譯為四十卷，其末一卷，即今十大行願。晉唐二譯所缺，實為全經關鍵，修行樞機。故清涼國師撰大疏鈔後，已為十卷疏，疏此後譯，復述別行疏，疏此一卷。圭峯宗密大師為之鈔，亦既盛行於世。弘一大師欲將別行疏鈔，擷其精華，以餉初學。范古農居士得斯付屬，擷粹疏鈔要義，會錄於經，義足文精，實便研習。杭州刻經處重刻，今校影印。

普賢行願品疏鈔擷重刻序

淨土法門其大無外一切諸佛及諸佛阿耨多羅三藐三菩提法皆從此出一切菩薩及菩薩上求下化稱性所修之道皆從此入所謂無不從此法界流無不還歸此法界也夫如來爲一大事因緣出現於世雖隨機設教種種不一求其若聖若凡上中下根乃至逆惡之流同於現生了生脫死俯謝三界高登九品者唯淨土一門爲然也噫如來大慈普度眾生唯此一法堪暢本懷眾生修行冀出生死唯此一法決遂所願法門廣大利益宏深固宜一切佛子悉皆奉

行。何近見愚夫愚婦。率多竭誠歸命。而通宗通教之士。反漠然置之。若不聞知者然。其故何在。以研教者。按常途教理。以論斷證。不信有帶業往生之事。矜常處生死。以度眾生。不願爲速出生死之人。不知坯器未燒。經雨卽化。煩惱未斷。轉生卽迷。自利尙難。焉能利他。此皆不諒己德。以博地凡夫。稍具慧性。便以法身大士之作略。自擬。以致一誤永誤也。參宗者。專主參究。以期明心見性。不知其機稍劣。不能明心見性者。多多也。卽使已得明心見性。而惑業未斷。仍舊輪迴生死。不能出離者。又多多也。五祖戒草堂清海印。

信真如詰等。乃其確證。噫。死生亦大矣。何可以專仗自力而不仗佛力耶。抑或自力果愈于佛力耶。夫人之處世。大而創業垂統。小而一衣一食。莫不仗眾人之力以成自事。至於了生死大事。乃雖有佛力而不肯倚仗。欲顯出格之作。略恐墮愚夫之窠臼。其志可謂大矣。惜乎不知其所謂大也。不觀華嚴一經。主於三藏。乃如來初成正覺。爲界外四十一位法身大士。所說一生成佛之法。其一生成佛之歸宗結頂究竟實義。在於以十大願王。同向往生西方極樂世界。以期圓滿佛果。夫善財所證。已得與普賢等與諸佛等。

所謂等覺菩薩也。等覺去佛特一間耳。尚須回向往生。舉華藏世界海諸菩薩同稟此教。同修此法。豈今之通宗教者。其根性之利。證入之深。悉能超過此等菩薩乎。千經萬論處處指歸。往聖前賢人人趣向。豈此諸經論皆不足遵依。此諸聖賢皆愚夫愚婦也。一言以蔽之曰。業深障重。未應解脫。故致日用不知習矣。不察而已。普賢行願品者。卽八十卷華嚴經末後之入法界品。善財徧參五十三員知識。至普賢所。承普賢開示及威神之力。卽證等覺。普賢乃爲說偈。稱讚如來勝妙功德。以文來未盡。故未結而終。清涼國

師特著疏鈔以大宏其道。至德宗貞元間。南印度烏茶國三方貢普賢行願品之梵本全文。譯成四十卷。前之三十九卷。卽八十華嚴經之入法界品。而文義加詳。第四十。一卷。乃現所流通之普賢行願品也。時清涼亦預譯場。極爲讚揚。奉命撰疏。四十卷全疏。中國久已失傳。幸東洋藏中尙有其書。北京刻經處專刻古德佚書。不久當可流通也。此一卷經。又復重爲別行疏。以備樂簡略。及修淨土者之研窮。其徒圭峯爲之造鈔。固已中外流通矣。但以文富義繁。不便初機。范古農居士。以世以淨土三經。并行願品一卷。爲

淨土四經三經註者頗多不妨隨機取閱。此經唯有疏鈔。雖發揮盡致。而初機每多茫然。遂卽疏鈔。擷其要義。刊板流通。文雖簡略。義仍具足。可謂觀機逗教。有益法門。殊非淺鮮。學者果能先閱擷本。後讀全文。不但清涼宏讚之心。可以悉知。而普賢勸發如來出世之心。亦可以悉知矣。敢請通宗通教之士。其隨華藏海會諸菩薩。及諸愚夫愚婦之班。一致進行。同往西方。庶可不孤佛化。不負己靈也已。

民國十一年壬戌佛誕日常慚愧僧印光釋聖量撰

普賢行願品疏鈔擷緣起

庚申歲初。與武林諸佛友。讚揚淨土。師法靈峯。以願力爲信行之中樞。往生之先導。彌陀華嚴。實相表裏。庶幾妙契佛心。遠離戲論乎。爾時靈璧程中和居士發心印施普賢行願品經。幻修以其深會悉檀因緣。

歡忻讚歎。定慧弘一。上人在座曰。安得如彌陀疏鈔。擷將行願品疏鈔。擷其精華。以餉初學乎。幻修對曰。

夙有斯願。未遑從事。今蒙付屬。其勉爲之。逮乎返里。乃於課學餘暉。玩讀疏鈔。擷探要義。會錄於經得二萬餘言。知淵文幽旨。疏漏實多。豈敢比美於先賢。聊

以塞上人之責而已。雖然世有心嚮淨土者。苟因斯
編而發心誦斯品也。則所以成就其往生者可操左
券。是又幻修之所竊幸也。夫稿成因記其緣起如此
釋尊應世二千九百四十七年庚申仲夏

菩薩優婆塞弟子幻修和南謹識

普賢行願品略科 準清涼疏

經文分三

甲一序分 不可窮盡止

甲二正宗分二

乙一正陳所說二

丙一長行三

丁一正示普因三

戊一標列應修 普皆回向止

戊二牒名別釋二

己一總徵 乃至回向止

己二別釋十

庚一禮敬諸佛	無有疲厭止
庚二稱讚如來	無有疲厭止
庚三廣修供養	無有疲厭止
庚四懺除業障	無有疲厭止
庚五隨喜功德	無有疲厭止
庚六請轉法輪	無有疲厭止
庚七請佛住世	無有疲厭止
庚八常隨佛學	無有疲厭止
庚九恆順眾生	無有疲厭止

庚十普皆回向 無有疲厭止

戊三結益令知 應如是知止

丁二顯經勝德二

戊一校量聞經德 亦不及一止

戊二顯餘眾行德二

己一總明法行略說 親近守護止

己二偏舉一行廣顯三

庚一通明五果 眾生供養止

庚二別明淨土果 而爲利益止

庚三究竟成佛果 一切眾生止

丁三結勸受持 極樂世界止

丙二偈頌二

丁一標舉 而說偈言止

丁二正頌三

戊一頌正示普因二

己一別頌前十門八

庚一頌禮敬諸佛 首八句

庚二頌稱讚如來 次八句

庚三頌廣修供養 次十二句

庚四頌懺除業障 次四句

庚五頌隨喜功德 次四句

庚六頌請轉法輪 次四句

庚七頌請佛住世 次四句

庚八合頌後三二

辛一合頌三門三

壬一總標回向 次四句

壬二別頌三門三

癸一頌隨如來學 次八句

癸二頌恆順眾生 次八句

癸三頌前回向二

子一別發十願十

丑一受持願 次八句

丑二修行二利願 次

八句

丑三成熟眾生願 次

八句

丑四不離願 次八句

丑五供養願 次八句

丑六利益願 次八句

丑七轉法輪願 次十

二句

丑八淨土願 次八句

丑九承事願 次八句

丑十成正覺願 次十

二句

子二總結大願二

丑一總結十願 次十

二句

丑二結歸二聖二

寅一偏同普賢 次

八句

寅二雙同二聖次

十二句

壬三結歸回向次四句

辛二願生淨土次十六句

己二總頌無盡次四句

戊二頌顯經勝德二

己一頌校量聞經益次八句

己二頌顯眾行益二

庚一通頌五果次十六句

庚二頌究竟果 次四句

戊三頌結勸受持三

己一結前諸行 次二句

己二重顯勝益 次六句

己三結成回向 次四句

乙二結說讚善 善哉善哉止

甲三流通分 信受奉行止

華嚴經普賢行願品疏抄擷

普賢行願品別行疏鈔擷

大方廣佛華嚴經入不思議解脫境界普賢行願品
初七字爲經題。大常徧義。言體也。方軌持義。言相
也。廣包博義。言用也。大方廣者。所證之法也。佛覺
照義。出果也。華感果嚴身義。喻因也。嚴資莊義。因
爲能嚴。果爲所嚴。因果之總相也。佛華嚴者。能證
之人也。此六字爲所詮。經者。攝持之義。爲能詮。次
爲品名。心智契合爲入。心言不及。爲不思議。作用
離障。爲解脫。智造分域。爲境界。不思議解脫境界
卽所入也。德周善順。爲普賢。造修悌求。爲行願。亦

是普賢菩薩之行願。爲能入也。品是一類之義。經中目也。

然此一品。卽是華嚴經第一第二譯本之入法界

品。

第一本晉譯有十四卷。第二本唐譯有二十一卷。

梵本爲南天竺烏荼

國王吉祥自在所進。唐德宗貞元十二年詔譯爲四十卷。是爲華嚴經之第三譯。

別行一卷

此品全經有四十卷。最後一卷略出弘宣。故曰別行。蓋以此卷爲華嚴關鍵。修行樞機。文約義豐。功高益廣。能簡能易。唯遠唯深。可讚可傳。可行可寶。

唐罽賓三藏般若奉詔譯

罽賓卽北天竺界羯涇彌羅國之別名。此翻賤種三藏者。譯經師之通號。言其能解經律論三藏也。般若此云智慧。卽具云金剛智慧師之名也。師自唐代宗朝來至中國。梵筴旣至。詔令在京師之大崇福寺翻譯。此經自貞元十二年之六月始譯。至十四年之二月譯成。

唐大崇福寺沙門澄觀疏

唐家起自太原。以報地恩。造五所寺。總名太原寺。後因天后重修。改名崇福。此爲古西太原寺也。沙

門此云勤息謂勤修戒定慧息滅貪瞋癡出家人之通號也。澄觀爲此經之疏主。字大休。號清涼國師。師既疏全經。又將此一卷疏而別行之。

唐圭峯草堂寺沙門宗密鈔

圭峯在終南山。宗密師之號。此師誕生於唐德宗初年。入滅於武宗初年。承清涼法脈。故就清涼疏而鈔集諸義以釋之也。

右釋題竟。

此經以入法界緣起普賢行願爲宗。法界緣起卽所入也。普賢行願爲能入也。入通能所法界者。謂

寂寥虛曠。沖深包博。總該萬有。卽是一心。體絕有無。相非生滅。莫尋其始。寧見中邊。諸佛證此。爲物開示。不知何以名目。強分理事二門。曰事法界。理法界。而理事渾融。無有障礙。故又總爲無障礙法界。普賢行願者。略有二種。一者身入。二者心入。身由心證。故辨心入。心入有三。一者正信。二者正解。三者正行。此三無礙。能所契合。正顯入義。入者了達證悟之名。略有二門。一者果海。離於說相。二者因門。可寄言說。謂以無分別智證理法界。則有能所歷然。能所無二。能所俱泯。及存亡無礙。舉一全。

收之五門。若以無障礙智證無障礙境。則境智圓融。難可言盡。總爲能所契合。三者一揆。是爲入法界緣起。普賢行願爲宗也。

右辨宗竟。

此經旣屬別行。故無證信序。而但有發起序。證信序在四十卷經中第一卷。如是我聞。一時佛在室羅筏城。逝多林。給孤獨園。與菩薩摩訶薩五千人俱。云云。發起序卽此經初。至不可窮盡文也。第二若欲成就此功德。下爲正宗分。第三爾時世尊與諸聖者。菩薩摩訶薩演說如是。不可思議解脫境。

界勝法門時下。爲流通分。

右判分竟。

以下隨文解釋。卽略疏科判以爲段落。

①一序分。指前所歎如來殊勝果德說無窮盡。生起意勢云。修何因行。證得如斯之果。便說普賢行願。示以普因爲正宗也。故以結前已說而爲序分。

爾時普賢菩薩摩訶薩。稱歎如來勝功德已。

此結前廣偈標能讚人。及所作業也。凡是修行菩提行者。通名菩薩。菩謂菩提。卽所求也。薩謂薩埵。

此云有情卽所度也。又菩提名智。薩埵云勇。是人爲求菩提智故。發生大勇猛心。摩訶薩者。大有情也。地上菩薩。皆得此名。普賢爲別名。然菩薩名普賢者。有三位。一爲地前資糧加行二位菩薩。以曲濟無遺曰普。鄰極亞聖曰賢。二爲地上菩薩。以德周法界曰普。至順調善曰賢。三爲得果不捨因門之菩薩。謂已成佛竟。隱實現權。示居因位。以果無不極曰普。不捨因門曰賢。今文普賢卽此第三位也。如來者。佛十號之首。照而恆寂曰如。寂而常照曰來。此指華嚴教主毗盧遮那佛也。稱歎勝功德。

已者指前第三十九品半卷經。廣以偈讚佛德。末後結云。剎塵心念可數知。大海中水可飲盡。虛空可量風可繫。無能說盡佛功德。若有聞斯功德海。能生歡喜信解心。如所稱揚悉當獲。慎勿於此懷疑念。

說盡經文為盡說。

告諸菩薩及善財言。善男子。如來功德假使十方一切諸佛。經不可說不可說佛剎極微塵數劫。相續演說。不可窮盡。

此結說不盡也。善財者菩薩之名。此菩薩初入胎時。宅內自然而出七寶樓閣。下有伏藏。上生七寶。

芽及誕生。伏藏忽開。光明照耀。復於宅中有五百寶器。珍奇盈滿。自然出現。復於宅中徧兩種種珍寶財物。及諸資具。一切庫藏。悉皆充滿。以此事故名曰善財。於福城東古佛廟前參禮文殊。最後參見普賢。卽菩提場如來會中爲說顯因廣大相也。不可說不可說者。大數之名。經明十萬謂一洛。又百洛又爲一俱胝。俱胝俱胝爲一阿庾多。此下倍倍數至第一百二十三名卽是理實。但是超過言說之數也。佛刹謂大千世界也。碎佛刹爲極微塵。數之至多也。劫梵云劫波。此云分別時分。久暫不

定今舉大數。但是多時。前讚偈云。無能盡說佛功德者。猶是一因人一時所說。今明果佛。且數有總包十方一切之多。時歷剎塵長久之劫。相續無間。說亦不盡。不思議玄妙極矣。

①二正宗分。廣說能證普賢行願。令入法界。則成如來勝功德也。有二。②一正陳所說。③二結說讚善。④一分二。⑤一長行。⑥二偈頌。⑦一分三。⑧一正示普因。⑨二顯經勝德。⑩三結勸受持。⑪一分三。⑫一標列應修。⑬二牒名別釋。⑭三結益令知。今⑮一。

若欲成就此功德門。應修十種廣大行願。何等爲十。
一者禮敬諸佛。二者稱讚如來。三者廣修供養。四者
懺除業障。五者隨喜功德。六者請轉法輪。七者請佛
住世。八者常隨佛學。九者恆順眾生。十者普皆回向。
具十以表無盡。六七二事俱是勸請。八九二事同
向。開出餘至文顯。

⑤二牒名別釋分二。①一總釋。②二別釋。今

②一。
釋。應爲徵。

善財白言大聖。云何禮敬。乃至回向。

②二別釋分十。①一禮敬諸佛。②二稱讚如來。

⑧三廣修供養⑨四懺除業障⑩五隨喜功德。
⑪六請轉法輪⑫七請佛住世⑬八常隨佛學。
⑭九恆順眾生⑮十普皆回向。今⑯一。

普賢菩薩告善財言。善男子。言禮敬諸佛者。

由心恭敬。運於身口。而徧禮故。除我慢障。起敬信。
善禮敬者。先須五輪著地。捧足殷重。深入法性。離
能所相。普運身心。禮不可禮。但禮內佛。不向外求。
若內若外。同一實相。隨一一禮。普代眾生。入帝網
境。若佛若禮。重重無盡。方是普賢行願也。此牒名。
下釋相也。

所有盡法界虛空界。十方三世一切佛刹極微塵數諸佛世尊。

謂橫豎普周。盡帝網境。標所禮也。具如稱讚供養門。

我以普賢行願力故。深心信解。如對目前。

能禮之因有二。一依法力。謂以普賢願力。見一切境。皆是諸佛。爲所緣也。二依自力。謂以深信解之智。決定印可。攝持如上佛境。令現在前也。大經云。一切法無生。一切法無滅。若能如是解。諸佛常現前。

悉以清淨身語意業常修禮敬。

下明能禮相。悉者皆也。咸也。盡也。以者用也。清淨三業。謂身無三惡。口離四過。意三業淨也。由染業故。惡道輪回。今成佛因。須憑淨業也。三業敬者。爲顯佛有天眼通故。以身業敬。顯佛有天耳通故。以語業敬。顯佛有他心通故。以意業敬。又爲感得佛之三輪故。身感神通輪。語感教誡輪。意感記心輪。此總明。下乃別顯。

一一佛所。皆現不可說不可說佛刹極微塵數身。一身徧禮不可說不可說佛刹極微塵數佛。

謂依前二力故得於境能見多佛。於自能現多身。乍觀經文。若以一一佛所皆現多身。則似身多佛少。若以一一自身皆禮多佛。則似身少佛多。據其義理。身佛齊等。經文欲明一多無礙。故於身佛互舉一多。又佛前本有多身。身前本有多佛。但以執境迷心。致令都不見耳。佛以善覺三昧而現之。是果門入。今以普賢觀行而見之。是因門入。因果之相雖異。所入之境無差。故得因該果海。果徹因源也。

虛空界盡。我禮乃盡。以虛空界不可盡故。我此禮敬

無有窮盡。如是乃至眾生界盡。眾生業盡。眾生煩惱盡。我禮乃盡。而眾生界乃至煩惱無有盡故。我此禮敬無有窮盡。

此顯無盡也。準十地經有十無盡界。今經是觀能趣入行願。故略餘八。但明眾生及虛空界。又以觀行是對治門故。於眾生中開出業惑。眾生無盡。一眾生有多業惑。彌顯無盡。

念念相續。無有閒斷。身語意業。無有疲厭。

此彰無閒也。疲謂疲倦。厭謂厭足。若不以普賢觀行之力。如何得念念不斷。願智者審思此文。無以

生滅之心。取相之禮。而爲禮。亦無以生滅取相之讚歎供養。乃至回向等。而爲普賢行願也。

⑧二稱讚如來

復次善男子。言稱讚如來者。

稱謂稱述。讚卽讚揚。稱述聖德。讚揚其美也。又謂稱揚讚歎。如來者。於十號中卽倣同先迹號。金剛經云。如來者卽諸法如義。又云。無所從來亦無所去。故名如來。涅槃經云。如過去佛所說不變。從六波羅蜜來至大涅槃。故名如來。成實論云。乘如實道來成正覺。故名如來。此牒名下釋相也。

所有盡法界虛空界。十方三世一切刹土。所有極微一一塵中。皆有一切世間極微塵數佛。一一佛所。皆有菩薩海會圍繞。

此所讚境。三重無盡也。

我當悉以甚深勝解現前知見。

此能讚因。言悉以。卽法力亦含在其中。

各以出過辯才。天女微妙舌根。一一舌根。出無盡音聲海。一一音聲海。出一切言辭海。稱揚讚歎一切如來諸功德海。窮未來際相續不斷。盡於法界。無不周徧。

此能讚相也。天女有大功德。能滿眾願。能施辯才。彼有佛辯。無更勝者。此是普賢方便。令修行者起最勝意樂。作其觀想。生不足之心。故言出過。或彼有佛辯。佛辯卽合法界。法界卽是無盡。不可超過。今以勝解力故。所出音聲。徧合法界。故言出過也。辯才者。總有四種。一法無礙解。於一切法無不通達故。二義無礙解。於所詮道理無壅塞故。三詞無礙解。以智慧力普應一切眾生心行差別。四辯說無礙解。此復有七。一應辯。二捷辯。三峻辯。四無疏謬辯。五無斷盡辯。六豐義味辯。七一切世間最上。

妙辯更無過者。此四辯第九地菩薩方具得之。若窮理盡相。朗照無遺者。佛及普賢而已。微妙舌根者。如大經說。菩薩摩訶薩有十種舌。所謂開示演說無盡眾生行舌。開示演說無盡法門舌。讚歎諸佛無盡功德舌。演暢詞辯無盡舌。開闡大乘助道舌。徧覆十方虛空舌。普照一切佛刹舌。普使眾生悟解舌。悉令諸佛歡喜舌。降伏一切諸魔外道舌。除滅一切生死煩惱。令到涅槃舌也。

如是虛空界盡。眾生界盡。眾生業盡。眾生煩惱盡。我讚乃盡。而虛空界乃至煩惱無有盡故。我此讚歎無

有窮盡念念相續。無有閒斷。身語意業。無有疲厭。
此總結無盡也。文少略前。若具說者。皆如上節。

⑧三廣修供養

復次善男子。言廣修供養者。

此牒名下釋相。

所有盡法界。虛空界。十方三世一切佛刹。極微塵中。
一一各有一切世界。極微塵數佛。一一佛所。種種菩
薩。海會圍繞。

此所供境也。

我以普賢行願力故。起深信解。現前知見。

此能供因也。

悉以上妙諸供養具而爲供養。所謂華雲鬘雲、天音樂雲、天傘蓋雲、天衣服雲、天種種香、塗香、燒香、末香。如是等雲。一一量如須彌山王。然種種燈、酥燈、油燈、諸香油燈。一一燈炷如須彌山。一一燈油如大海水。此列供具也。天者自然義。表法界中法爾自然。有如是不思議德用也。雲者隨緣義。表由行願力故。法如是故也。謂此供具色相顯然。智鑒無性。從法性空無生法起。能現所現。迴無所依。應用而來。來無所從。用謝而去。去無所至。而能含悲潤注。法雨。

益濟萬物。重重無盡。故有雲像焉。種種香者。謂沈檀薝蔔。龍腦鬱金。及諸華香等。塗香者。謂和合諸香。用塗身手。須彌山者。取人間目覩高大無過。又四寶所成。而具十德。表供具一一具德相妙用也。言如大海水者。表供養稱理故深。稱事故廣。故喻之如海也。菩薩修行如是供養之時。不礙上供養諸佛。熾然下濟含識。先作是念。無邊有情。漂淪六趣。由自心虛妄。感種種果報。內懷佛性而不自知。實可愍傷。云何當救。卽作自念。由我獻華等。得佛勝福慧。願回此功德。令一切安樂。

以如是等諸供養具常爲供養。

此正明供養也。一香一華皆以稱理成就。卽一之多。修行者但安心觀行。物物自多。皆徧佛也。故尋常云。願此香華雲徧滿十方界。供養一切佛。上來正明供行。下乃校量顯勝。

善男子。諸供養中法供養最。

此總舉所校量也。

所謂如說修行供養。

下別明也。智度論云。能行說爲正。不行何所說。若說不修行。不名爲智者。文殊章云。如來從修行中。

來。若能修行。是則成就供養如來。

利益眾生供養。

如十地品云。所修善根。皆爲救護一切眾生。又云。諸佛出世。本爲利樂一切眾生故。所以利益名眞供養。

攝取眾生供養。

以慈悲心隨順攝取。言供養者。諸佛出世。爲以慈悲攝取眾生故。菩薩普門示現。皆爲攝取眾生。安置佛道也。

代眾生苦供養。

以代眾生。上契佛意故。

勤修善根供養。不捨菩薩業供養。

若不勤修一切善法。是亦不能利樂一切眾生。若捨菩薩所修事業亦然。

不離菩提心供養。

捨菩提心。凡所修善。魔所攝持。

善男子。如前供養無量功德。比法供養一念功德。百分不及一。千分不及一。百千俱胝那由他分。迦羅分。算分。數分。喻分。優波尼沙陀分。亦不及一。

據梵本意。上來觀行。名最勝善根。及法供養。此二

類。一念善根。是所校量。過去供養。爲能校量。以未修普賢行願供養。不及今修普賢觀行供養故。是財施若能稱法。皆法供養。況於深觀。非以後抑前也。言迦羅者。此云豎折人身一毛。以爲百分也。言優波尼沙陀者。此云近少。亦云近對。謂少分相近比對之分。

何以故。以諸如來尊重法故。以如說行出生諸佛故。若諸菩薩行法供養。則得成就供養如來。如是修行是真供養故。

此徵釋校量不及所以也。

此廣大最勝供養。虛空界盡。眾生界盡。眾生業盡。眾生煩惱盡。我供乃盡。而虛空界乃至煩惱不可盡故。我此供養亦無有盡。念念相續。無有閒斷。身語意業。無有疲厭。

此最勝供養。卽前觀行。若此最勝不及法者。何以無盡。此總結無盡中。並同稱讚行也。

⑧四懺除業障

復次善男子。言懺除業障者。

懺者梵音具云懺摩。此云悔過。若別說者。懺爲陳露先罪。悔爲改往修來。障有煩惱業報三者。能障

聖道及人天勝事。此三者更相由藉。因煩惱故。以起惡業。惡業因緣。故得苦果。今偏言業。實兼三也。懺業有三。一伏業懺。伏令不生。二轉業懺。願於今身常不入惡道受。三滅業懺。罪如暗室。懺悔如燈。不以暗室多時。能拒燈也。懺法有二。若犯遮罪。作法懺之。若犯性罪。復須起行。起行有事懺。理懺之。別如普賢觀經中明。晝夜精勤。禮十方佛。卽是事懺。又隨好品中。觀諸業性。非十方來。止住於心。從顛倒生。無有住處。卽是理懺。事懺除末。理懺拔根。若具足懺。應須善達逆順十心。謂先懺十種順生。

死心。以爲所治。一妄計人我。起於身見。二內具煩惱。外遇惡緣。我心增盛。三內外既具。滅善心事。不喜他善。四縱恣三業。無惡不爲。五事雖不廣。惡心徧布。六惡心相續。晝夜不斷。七覆諱過失。不欲人知。八虜扈抵突。不畏惡道。九無慚無愧。不懼凡聖。十撥無因果。作一闡提。從無始來。若自及他。無不皆爾。次起十種逆生死心。從後翻破。一明信因果。二自愧克責。三怖畏惡道。四不覆瑕玼。五斷相續心。六發菩提心。七修功補過。八守護正法。九念十方佛。十觀罪性空。若具此者。無罪不滅。此牒名下。

釋相也。

菩薩自念。我於過去無始劫中。由貪瞋癡發身口意。作諸惡業。

此正舉所懺也。貪等是惡業因。煩惱障也。身等是造業具。諸惡業。意兼二障。一爲業障。卽殺盜姪兩舌惡口妄言綺語及貪欲瞋恚邪見之十支。二爲現身報。來生報及後世報之三障也。

無量無邊。若此惡業有體相者。盡虛空界不能容受。此顯其廣多也。以無形故。不見相貌。有則溢空。此卽通說順流十心。

我今悉以清淨三業

明懺業具。昔因三業無惡不爲。今以三業一時齊懺。謂虔恭胡跪。口陳辭句。

徧於法界。極微塵刹。一切諸佛菩薩眾前。誠心懺悔。後不復造。恆住淨戒。一切功德。

此明所對境。徧有二意。一卽翻惡心徧布。二爲稱法性故。無罪不除。佛菩薩眾。卽念十方佛。翻昔惡友也。誠心。簡不至心。緩縱情慮。罪不滅故。懺悔。卽含自愧克責。怖畏惡道。不覆瑕玼也。後不復造。卽斷相續心也。恆住淨戒。卽修功補過也。總此懺以

明識因果。善惡影響。故亦卽守護正法也。此中略發菩提心。及觀罪性空二者。以修此行願。必先已發菩提心。而此行願。又卽是無性之緣起故也。

如是虛空界盡。眾生界盡。眾生業盡。眾生煩惱盡。我懺乃盡。而虛空界乃至眾生煩惱不可盡故。我此懺悔無有窮盡。念念相續。無有間斷。身語意業。無有疲厭。

此總結無盡。

⑦五隨喜功德

復次善男子。言隨喜功德者。

隨所見善而歡喜。是懺悔中別義。除嫉妬障。起平等善。此牒名下釋相。

所有盡法界。虛空界。十方三世一切佛刹。極微塵數。諸佛如來。從初發心。爲一切智。勤修福聚。不惜身命。經不可說不可說佛刹。極微塵數劫。一一劫中。捨不可說不可說佛刹。極微塵數頭目手足。如是一切難行苦行。圓滿種種波羅蜜門。證入種種菩薩智地。成就諸佛無上菩提。及般涅槃。分布舍利。所有善根。我皆隨喜。

此隨喜如來善也。難行苦行。如心地觀經說。佛爲

凡夫時。作雪山童子。爲求半偈。棄捨全身。薩埵王
子。捨身救虎。爲六牙象王。自投獵者。作圓滿福智
王。施眼睛。爲金色鹿王。捨身求道。作慈力王。施五
夜叉。作莊嚴王。施妻無吝。爲最上身菩薩。施頭目
髓腦等。種種智地。卽十地也。般涅槃譯云入滅。有
四義。此指應滅也。分布舍利。如西域記說。佛入滅
後。三分舍利。諸天龍王人間各得其一。建塔供養。
及彼十方一切世界。六趣四生一切種類。所有功德。
乃至一塵。我皆隨喜。

此喜諸趣善。六趣者。一。地獄。二。畜生。三。餓鬼。四。修

羅五人。六天。謂求生者所趣向處也。四生者。胎卵
溼化。眾生受生之相也。

十方三世一切聲聞及辟支佛。有學無學。所有功德。
我皆隨喜。

此喜二乘善聲聞者。因聞聲教。悟四諦理。證學無
學果。辟支佛。此云獨覺。亦名緣覺。從緣覺故。二乘
與佛同證解脫。有大功德。能與眾生作大福田。故
令隨喜。

一切菩薩所修無量難行苦行。志求無上正等菩提。
廣大功德。我皆隨喜。

此喜菩薩善。諸善佛爲最勝。所以先明。餘三類從劣向勝。

如是虛空界盡。眾生界盡。眾生業盡。眾生煩惱盡。我此隨喜無有窮盡。念念相續。無有閒斷。身語意業。無有疲厭。

此總結無盡也。

庚六請轉法輪

復次善男子。言請轉法輪者。

菩薩愍眾。故須勸請。除謗法障。起慈善根。轉法輪者。法軌持義。通教理行果。輪所成義。大小乘別。而

通以八聖道爲體。輪義有四。一圓滿義。具轂軸輞。正見正思。惟爲轂。正語正業。正命爲輞。正念正定。正精進爲輞。故二摧壞義。聖道現前。能摧煩惱。三鎮遏義。更作觀行。鎮伏煩惱也。四不定義。從見道入修道。修道入無學。自旣證已。度他亦證也。轉卽展轉傳授義。謂過去佛傳至現在未來佛也。此牒名下釋相。

所有盡法界虛空界。十方三世一切佛刹極微塵中。一一各有不可說不可說佛刹極微塵數。廣大佛刹。一一刹中。念念有不可說不可說佛刹極微塵數。一切諸佛成等正覺。一切菩薩海會圍繞。

此舉所請境。先標所徧處。後舉所請人。言念念有不可說等者。意在境寬。能請無邊故。一念尙然。況經多劫。

而我悉以身口意業種種方便。殷勤勸請。轉妙法輪。此正明請法。言種種方便。殷勤勸請者。如我釋迦世尊。初成正覺。梵釋天眾三四說偈。請佛說法。是也。勸請有隨緣請。稱性請。隨緣請可知。稱性請者。須恆悟一切聲如空谷響。緣起無性。非斷非常。一全真。無非法界。旣聞無所聞。卽終日聞法。心觀如此。是請轉法輪也。

如是虛空界盡。眾生界盡。眾生業盡。眾生煩惱盡。我常勸請一切諸佛。轉正法輪。無有窮盡。念念相續。無有閒斷。身語意業。無有疲厭。

此總結無盡也。

庚七請佛住世

復次善男子。言請佛住世者。

卽是勸請中別義。眾生心淨。見佛常住。眾生心垢。見佛捨命。佛無生滅。隨機見殊。故知心淨觀佛。佛則常住。爲眞勸也。此牒名下釋相。

所有盡法界。虛空界。十方三世一切佛刹。極微塵數。

諸佛如來。將欲示現般涅槃者。及諸菩薩聲聞緣覺。有學無學。乃至一切諸善知識。我悉勸請。莫入涅槃。經於一切佛刹。極微塵數劫。爲欲利樂一切眾生。

涅槃具云般涅槃那。古譯云入滅。或云滅度。卽滅障度苦也。滅義有四。一事滅。生死相滅也。二德滅。離性修也。三應滅。應盡還源也。四理滅。具相空真。空二義。爲上三滅之本也。新云波利匿嚩喃。翻爲圓寂。謂義充法界。德備塵沙。故稱圓體。窮真性。妙絕相累。故云寂。又法爾無缺。故稱圓體。自眞常。故稱寂。此約性淨涅槃也。又萬德成滿。故稱圓。眾類

永寂故云寂。此約方便淨涅槃也。又化用周普故稱圓用而常寂。故云寂。此約應化涅槃也。示現者大經云。作佛事已。觀十種義。示般涅槃。所謂示一切行實無常故。乃至示一切法無起而有。聚集散壞相故。我悉勸請等者。如涅槃經說。大覺世尊將欲涅槃。出大音聲。徧告一切眾生聞已。心大憂愁。到如來所。頭面禮敬。說偈勸請。復以種種譬喻。殷勤勸請。佛亦安慰。而爲說法。是也。聲聞緣覺。斷惑證如。益物功高。故須勸請。善知識者。如涅槃經謂佛辟支佛聲聞。人中信方等者。如大船師。善渡人。

故。須勸請也。諸佛如來。法爾常現無盡身雲。徧說徧益。卽佛本住世。故今勸請者。但依智離識。常作佛觀。心清智明。卽常見佛。不會涅槃。若瞥爾起心。塵勞相續。觀智閒斷。卽不見佛。名佛滅度也。

如是虛空界盡。眾生界盡。眾生業盡。眾生煩惱盡。我此勸請。無有窮盡。念念相續。無有閒斷。身語意業。無有疲厭。

此總結無盡也。

⑧八常隨佛學

復次善男子。言常隨佛學者。

義同等一切佛回向亦自利行。謂託佛行事。以爲所緣。引得心智。隨而學之。以觀智融已身心。令常在此境。勿執身心定相。致令在慳貪瞋恚六塵五欲顛倒境也。若將佛苦行境。常爲心觀。則遇諸苦事。乃稱本願。而無怨惱。遇諸樂事。自無耽染。以非常時心觀所願。智者善思。勉旃而學。此牒名。下釋相。

如此娑婆世界毗盧遮那如來。從初發心。精進不退。以不可說不可說身命而爲布施。剝皮爲紙。析骨爲筆。刺血爲墨。書寫經典。積如須彌。爲重法故。不惜身

命。何況王位城邑聚落宮殿園林一切所有。及餘種種難行苦行。

此舉本師之因行。娑婆世界。是華藏世界最中香水海二十重中第十三重也。意明卽此穢土。眾生可以造觀修習。又佛本不離穢土修證。故略舉娑婆。而所歸之佛。便須稱實圓見。故舉光明徧照。卽依正中真應影略耳。發心者。智度論云。若有人言。願我當來作佛。度脫一切眾生苦惱。是名發菩提心。經云。此發心相有其十種。一親近善友。二供養諸佛。三修習善根。四志求勝法。五心常柔和。六遭

苦能忍。七慈悲深厚。八深心平等。九愛樂大乘。十求佛智慧。精進有三。一被甲。二善法。三利樂也。不退有四。信位證行也。剝皮爲紙等者。有二。一隨相釋。或爲緣闕。或爲重法。如最勝仙人事。二觀智釋。謂觀察此身。若皮若骨。舉體全空。雖似有相。原同法界。如是推徵。三諦具足。三妙觀。詮此義時。生得此解。契合圓機。便是寫經也。

乃至樹下成大菩提。示種種神通。起種種變化。現種種佛身。處種種眾會。或處一切諸大菩薩眾會道場。或處聲聞及辟支佛眾會道場。或處轉輪聖王小王。

眷屬眾會道場。或處刹利及婆羅門長者居士眾會道場。乃至或處天龍八部人非人等眾會道場。處於如是種種眾會。以圓滿音如大雷震。隨其樂欲成熟眾生。乃至示現入於涅槃。

此舉其果用也。智境無壅名通。卽六通也。轉換舊質名變。無而忽有名化。卽十八變也。種種佛身。卽兩重十身。其融三世間十身。爲眾生國土業報聲聞緣覺菩薩如來法智虛空等身。約之不出法報化三身也。轉輪聖王。謂金銀銅鐵四種輪王。刹利卽刹帝利王種也。婆羅門淨行也。并吠舍商賈也。

戌陀羅農人也。爲西域四種族姓。上明所學。下辨能學。

如是一切我皆隨學。

上來明學本師也。

如今世尊毗盧遮那。如是盡法界。虛空界。十方三世一切佛刹。所有塵中一切如來。皆亦如是。於念念中我皆隨學。

此例學一切也。

如是虛空界盡。眾生界盡。眾生業盡。眾生煩惱盡。我此隨學。無有窮盡。念念相續。無有間斷。身語意業。無

有疲厭。

此總結無盡也。

⑧九恆順眾生

復次善男子。言恆順眾生者。

謂隨順眾生種類根性。饒益成就。卽利他行。諸佛因果之行。順於真理。故須倣學。眾生善惡之行。不離迷心。非可言學。然常以同體大悲。融通物我。故云隨順。如何順耶。謂以普賢行願力故。普見眾生。無非性之緣起。既託眞性而現。故無自體。既云現也。則幻相歷然。非斷非滅。如鏡現面像。但云面無。

骨肉之自體。豈不現面像耶。如此普見眾生。是爲恆順也。此牒名下釋相。

謂盡法界虛空界十方刹海所有眾生種種差別。

此下標所順眾也。眾生者。謂以四大五蘊十二處及十八界十二因緣等合成。假名爲人。又謂有情者數數生故。名爲眾生。此總標後別釋。

所謂卵生胎生溼生化生。或有依於地水火風而生住者。或有依空及諸卉木而生住者。種種生類。種種色身。種種形狀。種種相貌。種種壽量。種種族類。種種名號。種種心性。種種知見。種種欲樂。種種意行。種種

威儀種種衣服。種種飲食。處於種種村營聚落城邑宮殿。乃至一切天龍八部人非人等。無足二足四足多足。有色無色。有想無想。非有想非無想。

胞胎溼化爲四生。更加有色等。都成九類。九類略有二種差別。初明四生。則依止差別。報之所託故。餘三可依。化生依何。依業染生也。餘五類。則粗細差別。此明報相。下二界。有色爲粗。無色爲細。於有色中。有想爲粗。無想爲細。非有想非無想。則無色界中。唯舉其細。對餘爲粗。若配五道。則天及地獄化生鬼。具胎化。人畜各通於四。

如是等類。我皆於彼隨順而轉。種種承事。種種供養。如敬父母。如奉師長。及阿羅漢。乃至如來等。無有異於諸病苦。爲作良醫。於失道者。示其正路。於暗夜中。爲作光明。於貧窮者。令得伏藏。菩薩如是平等饒益一切眾生。

此正明隨順。謂如上彼彼眾生。生起觀智。故云隨順眾生而轉。阿羅漢翻有三義。一不生。謂不於三界更受生死。一應教。謂自學已滿。堪應教人。三應供。是勝福田。堪銷物供。但以普賢行願之力。令觀行徧法界。於上種類眾生中。念念如此。以彼彼眾

生有解會者。自霑如上之益。言平等者。稱性普觀普益也。

何以故。菩薩若能隨順眾生。則爲隨順供養諸佛。若於眾生尊重承事。則爲尊重承事如來。若令眾生生歡喜者。則令一切如來歡喜。

此徵釋順生所以。意云。若順眾生。則爲順佛。若不順生。佛不歡喜。出現品云。佛子。譬如大海。普能印現。四天下中一切眾生色身形像。是故其說以爲大海。諸佛菩提。亦復如是。普現一切眾生心念根性。欲樂而無所現。

何以故。諸佛如來以大悲心而爲體故。因於眾生而起大悲。因於大悲生菩提心。因菩提心成等正覺。以下徵釋何以順生諸佛歡喜也。此卽標示同體大悲。故出現品云。如來成正覺時。於其身中普見一切眾生成正覺。乃至普見一切眾生入涅槃。皆同一性。以了眾生皆無性故。大悲相續救護一切。又云。菩薩應知自心念念常有佛成正覺。何以故。諸佛如來不離此心成正覺故。如自心一切眾生心亦復如是。悉有如來成等正覺廣大周徧。無有休息。此法說下喻明。

譬如曠野沙磧之中。有大樹王。若根得水。枝葉華果。悉皆繁茂。

生死懸絕。迴無所依。名爲曠野。不生善根。喻以沙磧。佛菩提法。如大樹王。智慧禪定。猶如枝葉。菩薩依學。況之以華。諸佛證此。目之如果。一切眾生。以爲其根。以大慈悲。而爲其水。水滋樹根。華果繁茂。悲念萬類。成佛果因。合文備矣。

生死曠野。菩提樹王。亦復如是。一切眾生。而爲樹根。諸佛菩薩。而爲華果。以大悲水。饒益眾生。則能成就。諸佛菩薩。智慧華果。

以下法合。此正合法也。眾生爲根者。一切諸佛無不從迷而悟。從妄而眞。淨名經云。煩惱卽菩提。法句經云。塵勞諸佛種也。

何以故。若諸菩薩以大悲水饒益眾生。則能成就阿耨多羅三藐三菩提故。

此重徵釋也。徵意云。何以益生而成佛菩提。豈不似與他飲食而自己空口飽耶。無此理也。答意難見。今出經意通云。夫智慧圓滿成就者。必須自他無異。物我同如。見一切眾生。皆是我覺心所現。故益生他卽是益生我。生圓我智方圓。故卻牒前語生起。

義勢云云。更詳連次下兩節文。斯意轉顯也。阿耨
多羅。此云無上。三此云正。對邪立名。藐此云等。齊
等義故。又言三者。此亦云正。圓滿義故。菩提此云
覺。可貫上四處。應云無上覺正覺等覺正覺。並有
所簡。言正覺。簡凡夫外道之邪覺。言等覺。簡二乘
聖者偏覺生空。又云正覺者。簡十地聖人分覺二
空。無上覺者。如來滿覺也。具上四義。故名阿耨多
羅三藐三菩提。

是故菩提屬於眾生。若無眾生。一切菩薩終不能成
無上正覺。

反言結成釋此有二義。一對緣釋。如前文云。因於眾生而起大悲。乃至成正覺等。二觀心釋。有二意。一攀緣妄想。卽是眾生。妄起卽不覺。覺卽無妄。合於本覺。名爲成佛。二思惟觀察法義。此心念念生起。亦是眾生。必因此心念念推察。方見正理。成智方證菩提。故云爾也。

善男子。汝於此義應如是解。以於眾生心平等故。則能成就圓滿大悲。以大悲心隨眾生故。則能成就供養如來。

此結示令知也。

菩薩如是隨順眾生。虛空界盡。眾生界盡。眾生業盡。眾生煩惱盡。我此隨順。無有窮盡。念念相續。無有間斷。身語意業。無有疲厭。

此總結無盡。

⑧十普皆回向

復次善男子。言普皆回向者。

回謂回轉。向謂趣向。回已修善。向於三處。謂實際菩提及與眾生。能除狹劣障。生廣大善。蓋回向。則一毫之善。皆徧法界故。如回聲入角。則遠聞。此牒名下釋相。

從初禮拜。乃至隨順所有功德。

文乃正明回向眾生。令成菩提。卽向菩提。盡於法界。義同實際。所以要此三者。凡是菩薩。必大悲下化。大智上求。而離眾生及菩提相。又向實際者。依於體法。向菩提者。依於相法。向眾生者。依於用法。此明所回善根。下乃正明回向。

皆悉回向盡法界虛空界一切眾生。願令眾生常得安樂。無諸病苦。欲行惡法。皆悉不成。所修善業。皆速成就。關閉一切諸惡趣門。開示人天涅槃正路。

願離苦成善也。願普法界。則橫徧十方。願令常得。

則豎窮三際。

若諸眾生因其集積諸惡業故。所感一切極重苦果。我皆代受。令彼眾生悉得解脫。究竟成就無上菩提。發心代苦也。苦由業生。何能代之。略有七意。一起悲意樂。自居凡境。二修諸苦行。爲增上緣。三留惑潤生。說法化度。四斷命自墮。脫眾生苦。五由初發心。願處惡趣。六卽真大願。與苦同性。七法界爲身。自他無異。然約有緣方能代爾。又若定業。亦不可代。

菩薩如是所修回向。虛空界盡。眾生界盡。眾生業盡。

眾生煩惱盡。我此回向。無有窮盡。念念相續。無有間斷。身語意業。無有疲厭。

此總結無盡。

⑤三結益令知

善男子。是爲菩薩摩訶薩十種大願。具足圓滿。若諸菩薩於此大願隨順趣入。則能成熟一切眾生。則能隨順阿耨多羅三藐三菩提。則能成滿普賢菩薩諸行願海。是故善男子。汝於此義。應如是知。

①二顯經勝德分二②一校量聞經德③二顯餘眾行德 今⑤一

若有善男子善女人。

束而言之有九。律儀言之有七。男三者。在家五戒。近事男。出家比丘及沙彌也。女四者。在家五戒。近事女。出家比丘尼六法尼沙彌尼也。更兼非受戒男子女人二般。故成九。

以滿十方無量無邊不可說不可說佛刹極微塵數一切世界。上妙七寶。及諸天人最勝安樂。

眞諦記說諸寶類眾。舉勝言七。一金。二銀。三珊瑚。四赤眞珠。五末尼珠。六磲磬。七瑪瑙。與阿彌陀經少異。

布施爾所一切世界所有眾生。供養爾所一切世界諸佛菩薩。經爾所佛刹極微塵數劫。相續不斷。所得功德。若復有人。聞此願王。一經於耳。所有功德。比前功德。百分不及一。千分不及一。乃至優波尼沙陀分。亦不及一。

⑤二顯餘眾行德分二⑥一總明法行畧說⑥
二偏舉一行廣顯 今⑥一

或復有人。以深信心。於此大願。受持讀誦。乃至書寫一四句偈。

此總明法行。總有十種。一書寫。二供養。三轉施。四

聽聞。五披讀。六受持。七開示。八諷誦。九思惟。十修習。此十法行。爲受持大乘教法入理之方便也。一四句偈者。八字爲句。四句爲偈。取其最少。不過一四句也。又顯義團圓。目之爲句。一義圓足。名一四句也。

速能除滅五無間業。所有世間身心等病。種種苦惱。乃至佛刹極微塵數一切惡業。皆得消除。

五無間業。卽五逆罪。謂殺父。害母。出佛身血。殺阿羅漢。破和合僧。此五隨犯一件。皆得逆罪。墮阿鼻獄。經一中劫。受苦無間也。

一切魔軍。夜叉羅刹。若鳩槃荼。若毗舍闍。若部多等。飲血噉肉。諸惡鬼神。皆悉遠離。或時發心。親近守護。以上略說功德也。魔梵語。具云魔羅。此云殺者。殺修行人智慧命故。魔軍。卽天魔也。夜叉。此云猛捷。羅刹。卽食血肉之鬼。鳩槃荼。此云守宮神。毗舍闍者。噉精氣鬼也。部多。此云大身鬼。

④二偏舉一行廣顯分三。⑤一通明五果。⑥二別明淨土果。⑦三究竟成佛果。今⑧一是故若人誦此願者。

舉諷誦一行以例餘下辨眾德。

行於世間。無有障礙。如空中月。出於雲翳。諸佛菩薩之所稱讚。一切人天皆應禮敬。一切眾生悉應供養。此明增上果。有增上用故。

此善男子。善得人身。圓滿普賢所有功德。不久當如普賢菩薩。速得成就微妙色身。具三十二大丈夫相。此明等流果。亦滿普賢功德行故。三十二相者。一足下平如奩底。乃至三十二眉間白毫相等。

若生人天所在之處。常居勝族。

此明異熟果。乘因感果故。

悉能破壞一切惡趣。悉能遠離一切惡友。悉能制伏

一切外道。

此明士用果。有善菩薩用故。

悉能解脫一切煩惱。如師子王摧伏羣獸。堪受一切眾生供養。

此明離繫果。八支聖道滅煩惱故。煩惱根本。有貪瞋無明慢疑不正見之六。隨煩惱有忿恨乃至散亂等二十。故言一切煩惱。由念行願正念現前。乃至成佛永斷諸惡。故云如等。

（庚）二別明淨土果

又復是人臨命終時。最後剎那。一切諸根悉皆散壞。

一切親屬悉皆捨離。一切威勢悉皆退失。輔相大臣。宮城內外。象馬車乘。珍寶伏藏。如是一切無復相隨。先顯法功能。寶積經說。最後捨壽之際。心極明了。一切善惡。皆悉現前。畏喜心生。即便往趣。此卽通說一切死相。今誦持人。卽不爲彼惡相之所逼迫也。

唯此願王不相捨離。於一切時引導其前。一剎那中。卽得往生極樂世界。

極樂世界。或名安樂。亦名安養。卽阿彌陀佛所依之國土。其國乃地瑩七寶。水通八德。風搖樹響。與

天樂以齊鳴。水激清波。將法音而同韻。是以六方調御。金口稱揚。三世如來。致心護念。總斯多義。故以爲名也。

到已。卽見阿彌陀佛。文殊師利菩薩。普賢菩薩。觀自在菩薩。彌勒菩薩等。此諸菩薩。色相端嚴。功德具足。所共圍繞。其人自見生蓮華中。蒙佛授記。

此乃別明勝果也。由二義故。名阿彌陀。一光明無量。二壽命無量。如阿彌陀經及無量壽經說。文殊師利。此翻妙德。或云妙吉祥。以其降生時有十種奇瑞故。悲華經說。過去寶藏佛時。爲無諍念王第

三子名曰帝眾。佛前願取妙淨土。佛言。汝自發願取妙淨土。我今號汝爲文殊師利。此表淨土諸吉祥事。其來久矣。今助佛導化。示生舍衛多羅聚落。爲梵德婆羅門子。觀自在菩薩者。謂於理事無礙之境。觀達自在。又觀機往救。自在無礙。就悲智解。故以名焉。彌勒。此云慈氏。慈心因緣經說。過去有佛號彌勒。恆以慈心。四無量法教化一切。時有婆羅門名一切智光。聞佛說經。便發信心。願持此經。必得成佛。號曰彌勒。卽捨家入山。經八千歲。常習慈行。又於過去與釋迦同於弗沙佛所發菩提心。

常習慈定。亦名阿逸多。此曰無能勝。爲波羅奈國
輔相之子。身紫金色。有三十二相。問文殊彌勒在
此娑婆。今言往彼。又云得見。爲同異耶。答。此有二
義。一卽體異名同。如說阿彌陀經時。西方亦有無
量壽佛。等同讚。故知但是名同。體別異也。二是同
非異。何以故。如文殊師利佛道父母大權應現。助
佛揚化。徧周法界。現種種身。利樂羣品。如彌勒爲
善財說文殊師利。其行廣大。其願無際。常爲無量
菩薩之師。普於十方常轉法輪。教化成熟一切眾
生。彌勒菩薩。如大經說云。成就一切徧趣行故。於

諸生處而得自在。又言。我身普生一切法界。無量
所顯種種相貌。種種威德。充滿法界。爲欲成熟往
昔同行退失菩提者。示現於此閻浮提中。故知是
同非異也。彌陀佛國。多有一生補處。其數甚多。無
不皆見。故曰等也。此正明化生。下言利生大用。
得授記已。經於無數百千萬億那由他劫。普於十方
不可說不可說世界。以智慧力。隨眾生心而爲利益。
此淨土果。亦卽土用果。

⑧三究竟成佛果

不久當坐菩提道場。降伏魔軍。成等正覺。轉妙法輪。

能令佛刹極微塵數世界眾生發菩提心。隨其根性。教化成熟。乃至盡於未來劫海。廣能利益一切眾生。亦離繫果。究竟離故。然前增上。爲現報果。今此成佛。卽後報果。中間諸果。皆是生報。唯誦一行五果具足。三報昭彰。終至菩提。于何不習。

①三結勸受持

善男子。彼諸眾生。若聞若信此大願王。受持讀誦。廣爲人說。所有功德。除佛世尊。餘無知者。

此結前勝德。上猶略歎。今說無盡。

是故汝等聞此願王。莫生疑念。應當諦受。受已能讀。

讀已能誦。誦已能持。乃至書寫。廣爲人說。

此正明勸持通十法行。

是諸人等。於一念中。所有行願。皆得成就。所獲福聚。無量無邊。能於煩惱大苦海中。拔濟眾生。令其出離。皆得往生阿彌陀佛極樂世界。

殷勤頌德。意在勸持。然此經一卷。文少義豐。實修行之玄樞。乃華嚴之幽鍵。功高德遠。何不修持。西域王臣。末有不習。又極樂往生。準十六觀經說。總有九品。隨其品類。隨其行業。方得往生。百餘經論。說修彼因。莫非勤積。方得生彼。今唯誦經一行。一

剎那中。便得往生。蒙佛授記。甚爲奇妙也。

丙二偈頌分二。丁一標舉。丁二正頌。今丁一
爾時普賢菩薩摩訶薩。欲重宣此義。普觀十方而說
偈言。

重宣者。重頌之意。一爲後來不聞。欲令得聞。故二
爲未悟者。重聞令悟。故三爲長行文略。以偈廣之。
令易曉會。故四爲結句受持。文稍易故。有斯四意。
故重頌之。

丁二正頌分三。戊一頌正示普因。戊二頌顯經
勝德。④三頌結勸受持
戊一分二。己一別頌前十門。己二總頌。

無盡

①一分八②一頌禮敬諸佛③二頌稱

讚如來④三頌廣修供養⑤四頌懺除業障⑥

五頌隨喜功德⑦六頌請轉法輪⑧七頌請佛

住世⑨八合頌後三 今⑩一

所有十方世界中。三世一切人師子。我以清淨身語
意。一切徧禮盡無餘。普賢行願威神力。普現一切如
來前。一身復現刹塵身。一一徧禮刹塵佛。

初二句頌所禮。次一句頌能禮。次句明周徧。次句
辨徧因。後三句別顯禮相。

⑪二頌稱讚如來

於一塵中塵數佛。各處菩薩眾會中。無盡法界塵亦然。深信諸佛皆充滿。各以一切音聲海。普出無盡妙言辭。盡於未來一切劫。讚佛甚深功德海。

二偈中。前偈明所讚。唯深信二字屬能讚因。後偈全顯能讚。於中前半明讚相。次一句明讚時。末後一句正明稱讚。

⑧三頌廣修供養

以諸最勝妙華鬘。妓樂塗香及傘蓋。如是最勝莊嚴具。我以供養諸如來。最勝衣服最勝香。末香燒香與燈燭。一一皆如妙高聚。我悉供養諸如來。我以廣大

勝解心深信一切三世佛。悉以普賢行願力。普徧供養諸如來。

三偈中。初二偈皆前三句標所供養。後一句正申供養。後偈中除一切三世佛五字。是所供境。末後一句正申供養。餘皆能供因。不頌法供養勝。知長行校量本行。

⑧四頌懺除業障

我昔所造諸惡業。皆由無始貪瞋癡。從身語意之所生。一切我今皆懺悔。

初句標所懺業。次句明造業因。次句指造業具。末

後句正申懺悔。

⑧五頌隨喜功德

十方一切諸眾生。二乘有學及無學。一切如來與菩薩。所有功德皆隨喜。

前三句餘四字。明所隨喜。後三字。明能隨喜。

⑨六頌請轉法輪

十方所有世間燈。最初成就菩提者。我今一切皆勸請。轉於無上妙法輪。

前二句標所勸請。次一句正明勸請。後一句明所請事。

庚七頌請佛住世

諸佛若欲示涅槃。我悉至誠而勸請。惟願久住剎塵劫。利樂一切諸眾生。

初句標所請。次句正明勸請。下二句出勸請意。

庚八合頌後三分二辛一合頌三門辛二願生淨土辛一分三壬一總標回向壬二別頌三

門壬三結歸回向今壬一

所有禮讚供養佛。請佛住世轉法輪。隨喜懺悔諸善根。回向眾生及佛道。

佛。福清續金藏。作佛。杭本注云。藏本供養。福。有本作供養。佛。非。嘉加注流通本作佛。

前三句牒前七所回善根也。後一句正明回向略。

舉二處。實際離相。徧該於二。在無盡中。

⑤二別頌三門分三⑥一頌隨如來學⑥二頌
恆順眾生⑥三頌前回向 今⑥一

我隨一切如來學。修習普賢圓滿行。供養過去諸如
來。及與現在十方佛。未來一切天人師。一切意樂皆
圓滿。我願普隨三世學。速得成就大菩提。

初句標示。次四句明隨學。次一句示隨學所因。次
一句結成隨學。後一句隨學意。諸佛雖爲一切眾
生無上大師。然諸眾生中。唯天與人。能發阿耨多
羅三藐三菩提心。能修十善業道。能得諸聖果。故

號佛爲天人師也。

⑤二頌恆順眾生

所有十方一切刹。廣大清淨妙莊嚴。眾會圍繞諸如來。悉在菩提樹王下。十方所有諸眾生。願離憂患常安樂。獲得甚深正法利。滅除煩惱盡無餘。

初偈標能益之尊。初二句所依淨刹。下二句能依眾會。後偈顯爲生啟願。初句所順生。下三句申願意。以順眾生。卽順諸佛。故先舉諸佛。又佛坐樹下。爲化眾生。

⑥三頌前回向分二。回向與願大同小異。異者。

謂回向要有所回善根。發願無善亦可要誓。言
大同者。十回向位。大願爲體。總願別願。皆回向
故。今此卽是回向大願。①一別發十願。②二總
結大願。③一分十。④一受持願。⑤二修行二
利願。⑥三成熟眾生願。⑦四不離願。⑧五借善
願。⑨六利益願。⑩七轉法輪願。⑪八淨土願。⑫
九承事願。⑬十成正覺願。今⑭一
我爲菩提修行時。一切趣中成宿命。常得出家修淨
戒。無垢無破無穿漏。天龍夜叉鳩槃荼。乃至人與非
人等。所有一切眾生語。悉以諸音而說法。

受者攝受。持者護持。所受持者。教果行理也。亦名護法願。初句攝菩提。次句持佛法。次二句護佛教。後偈願受法輪也。

⑤二修行二利願

勤修清淨波羅密。恆不忘失菩提心。滅除障垢無有餘。一切妙行皆成就。於諸惑業及魔境。世間道中得解脫。猶如蓮華不著水。亦如日月不住空。

於中一切妙行皆成就者。此是總句。亦行方便。餘句爲別。初句行體。卽十波羅密。除蔽清淨。第三句是行業。以十度行。淨十種蔽。助真如觀。淨十種障。

故後偈是行相。解脫惑業。卽出世間行。解脫魔境。及世間道。卽世間行也。蓮華日月。雙喻二行。

⑤三成熟眾生願

悉除一切惡道苦。等與一切羣生樂。如是經於剎塵劫。十方利益恆無盡。我常隨順諸眾生。盡於未來一切劫。恆修普賢廣大行。圓滿無上大菩提。

第五句爲總。餘句爲別。初句離苦。因果皆離。次句得樂。乃至涅槃。第三豎長。第四橫徧。後三句總結長時所成因果。

⑥四不離願

所有與我同行者。於一切處同集會。身口意業皆同等。一切行願同修學。所有益我善知識。爲我顯示普賢行。常願與我同集會。於我常生歡喜心。

願生處恆不離佛。及諸菩薩得同意行。故亦名心行願。初句爲總。同志一乘故。餘句爲別。於中先三句。自分行同。後偈勝進同。以更成益復顯示故。

⑤五供養願

願常面見諸如來。及諸佛子眾圍繞。於彼皆興廣大供。盡未來劫無疲厭。願持諸佛微妙法。光顯一切菩提行。究竟清淨普賢行。盡未來劫常修習。

第三句爲總。興廣大供故。大有六種。一心大。無疲厭故。二供具大。財法正行皆具足故。財供攝在總句。正行卽第五六句。三福田大。卽初二句。四攝功德大。卽第七句中。究竟普賢道。是勝功德故。五因大。卽第七句中。清淨二字。如空清淨。爲常無常果之因故。六時大。卽第八句。

⑤六利益願

我於一切諸有中。所修福智恆無盡。定慧方便及解脫。獲諸無盡功德藏。一塵中有塵數刹。一一刹有難思佛。一一佛處眾會中。我見恆演菩提行。

願恆作利生事業。無空過故。亦名三業不空願。前偈修福智等。爲不空因。獲無盡藏。是不空果。後偈利益時處。謂徧於時處。求能益法。利眾生故。

⑤七轉法輪願

普盡十方諸刹海。一一毛端三世海。佛海及與國土海。我徧修行經劫海。一切如來語清淨。一言具眾音。聲海。隨諸眾生意樂音。一流佛辯才海。三世一切諸如來。於彼無盡語言海。恆轉理趣妙法輪。我深智力普能入。

初偈轉法輪處。次一偈能轉圓音。次二句轉法輪。

時第十一一句。所轉法輪。末後一句。能攝方便。

⑤八淨土願

我能深入於未來。盡一切劫爲一念。三世所有一切劫。爲一念。際我皆入。我於一念見三世。所有一切人師子。亦常入佛境界中。如幻解脫及威力。

願清淨自土。安立正法。及能修行諸眾生。略無淨土之言。以影在後段故。而具淨土七種淨義。初偈卽同體淨。以同法性故。令一多互相卽入。今文雖辯念劫圓融。意取時中圓融之剎。次半偈。明自在淨。第七一句是因淨。又境界者。卽是相淨。第八一

句攝三淨。謂如幻二字。卽是果淨。解脫威力。卽受用淨。梵本此句。無及威力字。有眷屬字。卽住處眾生淨。

⑤九承事願

於一毛端極微中。出現三世莊嚴刹。十方塵刹諸毛端。我皆深入而嚴淨。所有未來照世燈。成道轉法悟羣有。究竟佛事示涅槃。我皆往詣而親近。

願往諸佛土。常見諸佛恆時敬事。聽受法故。第八句爲總。餘皆是別。初偈卽承事處。初二句。通是真寶義相。互相涉入。如帝網故。就中三世莊嚴卽一

切相。淨土體相。有差別故。第三句。卽無量相。謂前二相徧十方故。其第四句。辯能知見。第五句。所承事佛。六七二句。卽承事時八相故。

⑤十成正覺願

速疾周徧神通力。普門徧入大乘力。智行普修功德力。威神普覆大慈力。徧淨莊嚴勝福力。無著無依智慧力。定慧方便威神力。普能積集菩提力。清淨一切善業力。摧滅一切煩惱力。降伏一切諸魔力。圓滿普賢諸行力。

願與一切眾生。同時皆得無上菩提。恆作佛事故。

文有十二力。前六力字。意居句中。前九句。明業用。初一句。卽自在業。以神通力。普周徧故。次一句。示正覺業。不離一毛端處。而於一切處。八相成道。故名普門。次三句。卽說實諦業。謂說實諦。令物悟故。文中通舉說德及益。第六句。卽證教化業。說自所證。以化物故。次一句。種種說法業。次一句。不斷佛種業。次一句。法輪復住業。後三句。結因成果。由內伏煩惱。外降諸魔。普賢行圓。故成菩提。

③二總結大願分二④一總結十願⑤二結歸

二聖 今⑥一

普能嚴淨諸刹海。解脫一切眾生海。善能分別諸法海。能甚深入智慧海。普能清淨諸行海。圓滿一切諸願海。親近供養諸佛海。修行無倦經劫海。三世一切諸如來。最勝菩提諸行願。我皆供養圓滿修。以普賢行。悟菩提。

前八海結前九願。謂一淨土。二成熟眾生。三轉法輪。四受持。五修行。二利。六利益。由願圓故。七卽承事供養。二願。八卽不離願。後一偈成正覺願。以三世因圓。正覺果滿故。

⑤二結歸二聖分二⑥一偏同普賢⑦二雙同

二聖 今寅一

一切如來有長子。彼名號曰普賢尊。我今回向諸善根。願諸智行悉同彼。願身口意恆清淨。諸行剎土亦復然。如是智慧號普賢。願我與彼皆同等。

所以同者。普賢行故。稱法界故。言長子者。最尊勝故。同等云者。無盡願行。如法界量也。

寅二 雙同二聖

我爲徧淨普賢行。文殊師利諸大願。滿彼事業盡無餘。未來際劫恆無倦。我所修行無有量。獲得無量諸功德。安住無量諸行中。了達一切神通力。文殊師利

勇猛智。普賢慧行亦復然。我今回向諸善根。隨彼一切常修學。

文殊表解。解發願故。普賢表行。解起行故。故願與行。分屬二聖。理實皆通。又表理智一相契合。行願相扶。所以雙同。

⑤三結歸回向

三世諸佛所稱歎。如是最勝諸大願。我今回向諸善根。爲得普賢殊勝行。

上來諸願。皆屬回向。彌顯三段皆屬回向。

⑥二願生淨土

願我臨欲命終時。盡除一切諸障礙。面見彼佛阿彌陀。卽得往生安樂刹。我旣往生彼國已。現前成就此大願。一切圓滿盡無餘。利樂一切眾生界。彼佛眾會咸清淨。我時於勝蓮華生。親覩如來無量光。現前授我菩提記。蒙彼如來授記已。化身無數百俱胝。智力廣大徧十方。普利一切眾生界。

全同長行顯經勝德轉生之益。但此令起願也。不生華藏而生極樂。略有四義。一有緣故。彌陀願重。偏接娑婆界人。二欲使眾生歸憑情一故。但聞十方皆妙。此彼融通。初心茫茫。無所依託。故方便引。

之三。不離華藏故。極樂去此。但有十萬億佛土。華藏中所有佛刹。皆微塵數。故不離也。四。卽本師故。入法界品。偈讚云。或有見佛無量壽。觀自在等。共圍繞。乃至賢首阿閼等。皆讚本尊遮那之德也。

④二總頌無盡

乃至虛空世界盡。眾生及業煩惱盡。如是一切無盡時。我願究竟恆無盡。

⑤二頌顯經勝德分二。④一頌校量聞經益。⑤二通頌顯眾行益。今④一

十方所有無邊刹。莊嚴眾寶供如來。最勝安樂施天

人。經一切刹微塵劫。若人於此勝願王。一經於耳。能生信。求勝菩提心。渴仰。獲勝功德。過於彼。

④二通頌顯眾行益分二⑤一通頌五果⑥二

頌究竟果 今庚一

卽常遠離惡知識。永離一切諸惡道。速見如來無量光。具此普賢最勝願。此人善得勝壽命。此人善來人中。生此人不久當成就。如彼普賢菩薩行。往昔由無智慧力。所造極惡五無間。誦此普賢大願王。一念速疾皆消滅。族姓種類及容色。相好智慧咸圓滿。諸魔外道不能摧。堪爲三界所應供。

初偈增上果。次偈等流果。次偈離繫果。次半偈異熟果。後半偈土用果。惡知識能壞善身心。故常當遠離。無量光。卽阿彌陀佛。盡一報身。修習勝行。不虛度時。名勝壽命。長行別明淨土果。已在前願中頌竟。

⑧二頌究竟果

速詣菩提大樹王。坐已降伏諸魔眾。成等正覺轉法輪。普利一切諸含識。

⑨三頌結勸受持分三。①一結前諸行。②重顯勝益。③三結成回向。今④一

若人於此普賢願讀誦受持及演說。

②二重顯勝益

果報唯佛能證知。決定獲勝菩提道。若人誦此普賢願。我說少分之善根。一念一切悉圓滿。成就眾生清淨願。

③三結成回向

我此普賢殊勝行。無邊勝福皆回向。普願沈溺諸眾生。速往無量光佛刹。

④二結說讚善

爾時普賢菩薩摩訶薩。於如來前說此普賢廣大願。

王清淨偈已。善財童子。踴躍無量。一切菩薩。皆大歡喜。如來讚言。善哉善哉。

會初世尊入師子頻申三昧。便令逝多林忽然廣博。現種種莊嚴之事。普賢開發文殊讚述。大眾頓證。後文殊出至福城東。敎示善財。展轉求道。乃至品末。佛無自說之處。此如來讚言。乃是義生。古德共立。令眾頓證也。

①三流通分

爾時世尊與諸聖者菩薩摩訶薩。演說如是不可思議解脫境界勝法門時。

此指所說法也。此云佛說亦是義生。有二意。一此之一會。佛爲會主。雖諸善友。以總該別。亦屬佛說。二徧該九會。以皆不起菩提樹王。徧一切處。一時頓說。

文殊師利菩薩而爲上首。諸大菩薩及所成熟六千比丘。彌勒菩薩而爲上首。賢劫一切諸大菩薩。無垢普賢菩薩而爲上首。一生補處。住灌頂位。諸大菩薩及餘十方種種世界。普來集會。一切刹海。極微塵數諸菩薩摩訶薩眾。

下言時眾受持也。此列菩薩眾有四類。前二類多

在此會後二類通於九會。比丘新云苾芻。唐言具淨。苾芻草有五德。以況佛弟子有五德也。五德者一體性柔軟。二引蔓傍布。三香起遠騰。四觸身安樂。五不背日光。復有五義。一曰怖魔。二曰乞士。三曰淨持戒。四曰淨命。五曰破惡。六千比丘舍利弗徒眾。勸令皈依文殊者。此三千大千世界初欲成時。有大水聚。淨居天子觀此大水。見有千莖諸妙蓮華。各有千葉。金色金光。知有賢人一千。同劫成佛。故名賢劫。如大悲經說。唯有人中一徧受生。名爲一生。當紹前佛之位。名爲補處。住灌頂位。菩薩

十地滿心。入佛境界。具足十力。墮在佛數也。亦名受職位。

大智舍利弗。摩訶目犍連等而爲上首。諸大聲聞。此列聲聞眾。唯局此會。舍利弗亦曰舍利子。卽鷲子。蓋從母以呼也。姓拘栗氏。號優波提舍。卽王城提舍論師之子。年纔八歲。名振四方。與大目連少而爲友。事山闍耶外道。知不究竟。將期明脫。後遇馬勝。聞法得初果。與其徒眾二百五十人。投佛出家。半月後得無學果。摩訶目犍連。新云摩訶沒特伽羅子。目犍連姓。翻爲大採菽氏。又云菉豆子。

名拘律陀王舍拘哩伽邑人。大婆羅門種。後因鶯
子說偈悟道。詣佛出家。七日後得無學果。聲聞言
大者。有六義。一智大。盡無生故。二斷大。見修盡故。
三相大。佛威儀故。四利大。世應供故。五用大。具通
明故。六記大。當作佛故。

并諸人天一切世主。天龍夜叉。乾闥婆。阿修羅。迦樓
羅。緊那羅。摩睺羅伽。人非人等。一切大眾。

此列雜類眾。天龍等者。總舉八部眾也。一天者。有
四。一名天。如世國王名爲天子。二生天。下從四天
王天。上至非想非非想天。中有情。三淨天。但於人

中得果者。名爲淨天。有自在義故。四生淨天。謂二十八天中諸聖人是也。今言天者。多取第二生天也。二龍有四種。一天龍。持天宮殿。不教墮落者。二人龍。人間興雲致雨者。三地龍。能持山河大地。四王龍。守護王之庫藏等者。三夜叉者。新云藥叉。此云輕捷鬼。又翻暴惡神。亦名勇健神。雌者地行。雄者有翅能飛空。居下天守天城門也。四乾闥婆。正云健闥婆。此云尋香行。亦云食香神。爲天奏樂。五阿修羅。新云阿素落。此云非天。謂無天實德也。六迦樓羅。此云金翅鳥。正云羯路荼。此云妙翅鳥。身

有金銀瑠璃頗胝迦四色翅羽嚴麗七緊那羅正云緊捺洛此云歌神體是畜生形狀似人面貌端正頭上有一角人見生疑亦名疑人也八摩睺羅伽正云莫呼洛迦此云大腹卽蟒蛇蝦蟇之類也問此等何緣得至佛會答由佛慈悲廣爲引他有靈之類皆悉奔波希法雨以潤萌芽冀智藥而除眾苦如歸慈父若趣醫王但由平等慈悲恩霑動植者也

聞佛所說皆大歡喜信受奉行

此總顯受持通前諸眾也然此流通偏通第九若

通九會於理無違。歡喜奉行。有三種義。一說者清淨。不爲取著名利所染故。二所說清淨。以如實知法體故。三者得果清淨。卽說益也。

普賢行願品別行疏鈔擷竟

附摘華嚴纂靈記

一書寫

二則

後魏王延明王元熙。英明博達。嘗以香和金。寫經一百部。每部五香爲藏。七寶函盛。日夜清齋行道。卽放神光五色。照燭庭宇。眾所咸覩。因而發心者。不可計數也。

僧德圓。妙統宗極。修一淨園。種楮鮮華。香草雜之。每洗浴。方入園。旣以香水。楮生三載。香氣四達。後以爲紙。寫經。纔書數行。每字皆放光明。

二供養

一則

僧法誠於藍谷造華嚴堂。畫七處九會變相。兼寫此經。專精供養。每有瑞鳥形色非常。嚙華入堂。旋繞供養。

三轉施 一則

僧彌伽多羅。師子國第三果人。因至太原寺。遇諸僧轉華嚴經。忽然改容云。不知此處亦有此經。合掌歡喜。讚歎言曰。此大方廣經。功德難思。西域相傳。有人稱讚此經。以水灌掌。水沾蟲蟻而捨命者。皆得生天。何況受持讀誦。思惟觀察等。

四聽聞

金剛菩薩云。聞此法門。如一切智行所集福德。

五披讀 一則

隋禪定寺僧慧悟持華嚴經。與持涅槃經僧同隱終南巖。棲木食。各專其業。後有一人請齋。二人相讓。請者云。請華嚴。悟和尚。即便隨往。乃是山神。千羅漢推之。令於上坐。齋畢。神呼一童令侍。乃入悟口。便得神通。卻歸取經。辭涅槃僧。眇然履空而去。莫知所往。

六受持 一則

僧辯才事裕法師學華嚴經。久而不悟。淨室專精三年。乃夢普賢指授。覺後悉通。煥然猶如臨鏡。

七開示三則

宋朝三藏求那跋陀羅。天竺人。精華嚴來至此土。七百餘人請講。恨以華言未通。禮懺虔請。乃夢一人執劍持一人頭。剎卻跋陀羅頭。安提來者。遂通唐言。講數十徧。

魏朝勒那三藏。中天竺人。既至此土。華音又通。講華嚴經次。忽有一人執笏形如天官云。天帝令請師講華嚴經。都講維那梵唄咸須同去。勒那曰。待講畢去得否。使云可爾。及講終。卽與都講等奄然卒於法座之上。人皆歎仰。

法藏和尚字賢首。十七辭親。求法於太白山。後母病歸。覲時儼和尚於雲華寺講華嚴經。至中夜忽見神光照燭庭宇。知有異人。及明過儼和尚。卽敬事之。深入華嚴旨趣也。

八諷誦 二則

安定郡樊玄智。依順和尚誦華嚴經。每因誦經。口中頻獲舍利。前後數百粒。

京兆人王姓。不得名。死被二人引至地獄。見一僧云。是地藏。令誦偈云。若人欲了知。三世一切佛。應觀法界性。一切惟心造。遂得解脫。聲所至處。有受苦者。悉

脫其苦。後一日卻蘇。憶持此偈。向道俗說。諸德尋經。方得知是華嚴經夜摩天偈也。

九思惟一則

解脫和尚。臺山佛光寺。立精舍。讀華嚴經。依經作佛光觀。又求文殊。得見云。何須禮我。可自悔責。後因自求。乃悟無生。遂欲廣禮諸佛。證此因緣。感諸佛現。與說偈言。諸佛寂滅甚深法。曠劫修行今乃得。若能開曉此法眼。一切諸佛皆隨喜。又問寂滅之法。若爲可說。教人佛卽隱身。但有聲曰。方便智爲燈。照見心境界。欲究真實法。一切無所見。

十修習二則

僧道英。亳州人。年至十二。親爲之娶。五年同居。全無世事。後因聽講華嚴經。乃出家。入太行山柏梯寺。修止觀。時年天旱。唯講華嚴。感二人云。是海神來聽講經。遂令下雨。須臾滂沱也。

隋朝靈幹。講華嚴經。住興善寺。常作鬼率。及華嚴觀。臨終之日。有天童來迎。而不隨去。云。吾志在華藏矣。尋見大水瀰漫。蓮華滿中。乃忻然曰。此果吾願。遂與同住。僧童真相別。別訖。奄然而逝也。